

Cuntas Leithreasa 2023

Vóta 1

Teaghlachas an Uachtaráin

Réamhrá

Mar Oifigeach Cuntasaíochta do Vóta 1, ceanglaítear orm gach bliain an cuntas leithreasa don Vóta a ullmhú, agus an cuntas a chur faoi bhráid an Ard-Reachtair Cuntas agus Ciste lena iniúchadh.

De réir an cheanglais seo, d'ullmhaigh mé an cuntas a ghabhann leis seo ar an tsuim a caitheadh sa bhliain dar chríoch an 31 Nollaig 2023 ar thuarastail agus costais Oifig Ard-Rúnaí an Uachtaráin, maidir le costais áirithe de chuid Theaghlachas an Uachtaráin agus deontais áirithe.

Cuirtear an toradh caiteachais i gcomparáid leis na suimeanna arna ndeonú ag Dáil Éireann faoin Acht Leithreasa, 2023, lena n-áirítear an tsuim a d'fhéadfaí a úsáid mar leithreasaí-i-gcabhair ar mhaithe le caiteachas don bhliain.

Dlítear farasbarr €892,000 a ghéilleadh don Státchiste.

Is cuid den chuntas iad an ráiteas faoi pholasaithe agus faoi phrionsabail chuntasaíochta agus nótaí 1 go 5.

Ráiteas faoi pholasaithe agus faoi phrionsabail chuntasaíochta

Cuireadh na polasaithe agus na prionsabail chaighdeánacha chuntasaíochta, maidir le cuntais leithreasa a tháirgeadh, chun feidhme agus an cuntas á ullmhú, mar a leag an An Roinn Caiteachais Phoiblí, Sheachadadh an Phlean Forbartha Náisiúnta agus Athchóirithe amach iad i gclárclán 22 de 2023 . Glacadh leis an eisceacht seo a leanas. . Cuireadh an eisceacht seo a leanas i bhfeidhm.

Sócmhainní oidhreachta

Ní luacháiltear sócmhainní oidhreachta a bhaineann le Teaghlachas an Uachtaráin mar shócmhainní sna ráitis airgeadais seo. Tá ar áireamh sna sócmhainní troscán agus saothair ealaíne. Tá tréithe neamh-inchoimhthithe agus sobhríste ag baint leo agus ní féidir a gcomhshamhail a sholáthar, agus dá bhrí sin, ní cuspóir fóna a bheadh ann na sócmhainní a chaipitliú sna ráitis seo

Ráiteas maidir le rialú inmheánach airgeadais

Freagracht as an gcóras rialaithe inmheánaigh airgeadais

Mar Oifigeach Cuntasaíochta, aithním an fhreagracht atá orm as a chinntiú go ndéanann Oifig Theaghlachas an Uachtaráin córas éifeachtach rialaithe inmheánaigh airgeadais a chothabháil agus a fheidhmiú.

Déantar an fhreagracht seo a fheidhmiú i gcomhthéacs na n-acmhainní sin atá ar fáil dom féin agus i gcomhthéacs mo chuid dualgas féin mar Ard-Rúnaí Roinn an Taoisigh. Ina theannta sin, ní féidir le haon chóras rialaithe inmheánaigh airgeadais ach dearbhú réasúnta seachas dearbhú daingean a thabhairt go ndéantar sócmhainní a chumhdach, go ndéantar idirbhearta a údarú agus a thaifeadadh go cuí, agus go ndéantar earráidí ábhartha nó mírialtachtaí eile a chosc nó go ndéanfaí iad a aimsiú go tráthúil. Is próiseas leanúnach é an córas rialaithe inmheánaigh airgeadais a chothabháil agus coinnítear an córas agus a éifeachtacht faoi athbhreithniú leanúnach.

Seirbhísí comhroinnte

Tá mo chuid freagrachtaí comhlíonta agam maidir le ceanglais an chomhaontaithe bainistíochta seirbhíse idir Teaghlachas an Uachtaráin agus an Oifig Náisiúnta um Sheirbhísí Comhroinnte (ONSC) chun seirbhísí comhroinnte acmhainní daonna, bainistíocht airgeadais agus párolla a sholáthar.

Táim ag brath ar litir dearbhaithe ón Oifigeach Cuntasaíochta le haghaidh an Vóta don Oifig Náisiúnta um Sheirbhísí Comhroinnte go bhfeidhmítear na rialuithe cuí i soláthar seirbhísí comhroinnte do Theaghlachas an Uachtaráin.

Timpeallacht rialaithe airgeadais

Tá timpeallacht rialaithe i bhfeidhm a bhfuil mar chuid di na heilimintí seo a leanas.

- Sannadh freagrachtaí airgeadais ar leibhéal na bainistíochta le cuntasacht chomhfhreagrach.
- Bunaíodh socruithe tuairiscithe ar gach leibhéal i gcás inar sannadh an fhreagracht as bainistíocht airgeadais.
- Bunaíodh nósanna imeachta foirmiúla le haghaidh teipeanna suntasacha rialaithe a thuairisciú agus gníomhaíocht cheartaitheach chuí a chinntiú.
- Tá Coiste Iniúcháireachta ann chun comhairle a thabhairt dom maidir le mo fhreagrachtaí as an gcóras rialaithe inmheánaigh airgeadais a chomhlíonadh.
- Doiciméadaíodh nósanna imeachta le haghaidh na bpríomhphróiseas gnó go léir.
- Tá córais ann chun na sócmhainní a chumhdach.

Rialuithe riaracháin agus tuairisciú bainistíochta

Tá creat nósanna imeachta riaracháin agus tuairisciú rialta bainistíochta i bhfeidhm, lena n-áirítear deighilt na ndualgas agus córas tarmhlinn agus cuntasachta agus, go háirithe, go bhfuil an méid seo a leanas ann

- córas buiséadaithe cuí ina bhfuil buiséad bliantúil a choinníonn an lucht ardbhainistíochta faoi athbhreithniú
- athbhreithnithe rialta ag an lucht ardbhainistíochta ar thuarascálacha tréimhsiúla agus bliantúla airgeadais ina léirítear feidhmíocht airgeadais i gcomparáid le réamhaisnéisí.
- córas bainistíochta riosca i bhfeidhm laistigh de Theaghlachas an Uachtaráin
- córais atá dírithe ar shlándáil na gcóras TFC a chinntiú
- treoirlínte rialaithe infheistíochta caipitil cuí agus disciplíní foirmiúla bainistíochta tionscadal

Iniúcháireacht inmheánach agus Coiste Iniúcháireachta

Tagann Teaghlachas an Uachtaráin faoi shainchúram na feidhme iniúcháireachta inmheánaí a sholáthraíonn Roinn an Taoisigh, a bhfuil pearsanra oile cuí acu agus a fheidhmíonn faoi chairt scríofa a cheadaigh mé féin. Tugtar eolas don obair iniúcháireachta inmheánaí trí anailís a dhéanamh ar na rioscaí airgeadais a bhfuil Teaghlachas an Uachtaráin neamhchosanta orthu agus tá sé d'aidhm na príomhrialuithe a chlúdach ar bhonn atrátha thar thréimhse réasúnta. Tá an fheidhm iniúcháireachta inmheánaí agus a clár oibre faoi réir athbhreithnithe tréimhsiúla uaimse agus ón gCoiste Iniúcháireachta, a fheidhmíonn faoi choimirce Roinn an Taoisigh.

Bhí ceithre chruinniú ag an gCoiste Iniúcháireachta in 2023, agus cuireadh i bhfeidhm in 2022 an clár oibre iniúcháireachta a comhaontaíodh in 2023.

Comhlíonadh soláthair

Cinntíonn Teaghlachas an Uachtaráin go gcuirtear béim chuí ar dhea-chleachtas i dtaobh cúrsaí soláthair maidir le dámhachtain conarthaí uile, agus go bhfuil nósanna imeachta ann lena chinntiú go gcloítear leis na treoirlínt iomchuí uile.

B'ionanna an caiteachas ar earraí agus ar sheirbhísí, lena n-áirítear costas na foirne ar chonradh, agus €823,000 in iomlán in 2023.

Níorbh ann d'aon chonradh a dámhadh gan próiseas iomaíoch a reáchtáil a sháraigh an tairseach tuairiscithe €25,000. Mar a éilíonn ciorclán 40/2002, cuireadh tuairisceán a náid faoi bhráid An Ard-Reachtaire Cuntas agus Ciste agus Na Roinne Caiteachais Poiblí, Sheachadadh an Phlean Forbartha Náisiúnta agus Athchóirithe.

Creat riosca agus rialaithe

Tá córas bainistíochta riosca curtha i bhfeidhm ag Teaghlachas an Uachtaráin lena ndéantar sainaithint ar phríomhrioscaí agus lena dtuairiscítear iad agus na gníomhartha bainistíochta atá á dhéanamh chun dul i ngleic leis na rioscaí sin agus, chomh fada agus is féidir, chun iad a mhaolú.

Tá clár rioscaí i bhfeidhm lena sainaithnítear na príomhrioscaí do Theaghlachas an Uachtaráin agus rinneadh iad a shainaithint, a mheas agus a ghrádú de réir a dtábhachta. Déanann an Bord Bainistíochta athbhreithniú agus uasdátú ar an gclár go ráithiúil. Úsáidtear toradh na measúnuithe sin le hacmhainní a phleanáil agus a dháileadh lena chinntiú go ndéantar rioscaí a bhainistiú ar leibhéal inghlactha.

Déantar cur síos sa chlár rioscaí ar na rialuithe agus gníomhartha a bhfuil gá leo chun na rioscaí a mhaolú agus ar an bhfreagracht as feidhmiú na rialuithe a sannadh do bhaill fhoirne áirithe.

Faireachán agus athbhreithniú leanúnach

Bunaíodh nósanna imeachta foirmiúla chun faireachán a dhéanamh ar phróisis rialaithe agus déantar rialú ar easnaimh a chur in iúl dóibh siúd atá freagrach as gníomhaíocht cheartaitheach a chur i bhfeidhm agus don Bhord Bainistíochta, i gcás gurb ábhartha, go tráthúil. Deimhním gur sainaithníodh príomhrioscaí agus na rialuithe bainteach agus go bhuil próisis curtha i bhfeidhm chun faireachán a dhéanamh ar fheidhmiú na bpríomhrialuithe sin agus aon easnaimh shainaitheanta a thuairisciú.

Athbhreithniú ar éifeachtacht

Tá nósanna imeachta i bhfeidhm ag Teaghlachas an Uachtaráin chun faireachán a dhéanamh ar éifeachtacht a nósanna imeachta maidir le bainistíocht riosca agus rialú. In 2023, rinne obair na n-iniúcháirí inmheánacha agus seachtracha agus an lucht ardbhainistíochta laistigh de Theaghlachas an Uachtaráin a bhí freagrach as an gcreat rialaithe inmheánaigh airgeadais a fhorbairt agus a chothabháil ar bun eolas don obair a rinne Teaghlachas an Uachtaráin chun faireachán agus athbhreithniú a dhéanamh ar éifeachtacht an chórais rialaithe inmheánaigh airgeadais.

Saincheisteanna rialaithe inmheánaigh airgeadais

Níor sainaithníodh laigí sa rialú inmheánach airgeadais bainteach le 2023 a bhfuil gá a nochtadh sa Chuntas Leithreasa.

John Callinan
Oifigeach Cuntasaíochta
Teaghlachas an Uachtaráin

8 Márta 2024

An tArd-Reachtair Cuntas agus Ciste

Tuarascáil le cur faoi bhráid Thithe an Oireachtais

Vóta 1 Teaghlachas an Uachtaráin

Tuairim faoin gcuntas leithreasa

Rinne mé iniúchadh ar an gcuntas leithreasa do Vóta 1 Teaghlachas an Uachtaráin don bhliain dar críoch an 31 Nollaig 2023 faoi alt 3 d'Acht an Ard-Reachtair Cuntas agus Ciste (Leasú), 1993.

Is é mo thuairimse go gcuirtear i láthair go cuí

- sa chuntas leithreasa fáltais agus caiteachas Vóta 1 – Teaghlachas an Uachtaráin don bhliain dar críoch an 31 Nollaig 2023, agus
- gur ullmhaíodh an cuntas leithreasa san fhoirm a d'ordaigh an tAire Caiteachais Phoiblí, Sheachadadh an Phlean Forbartha Náisiúnta agus Athchóirithe.

An bonn leis an tuairim

Rinne mé m'iniúchadh ar an gcuntas leithreasa i gcomhréir leis na Caighdeáin Idirnáisiúnta Iniúcháireachta (ISAnna) arna gcur i bhfeidhm ag an Eagraíocht Idirnáisiúnta Uasfhoras Iniúcháireachta. Déantar cur síos ar mo fhreagrachtaí faoi na caighdeáin sin san aguisín a ghabhann leis an tuarascáil seo. Táim neamhspleách ar Theaghlachas an Uachtaráin agus chomhlíon mé mo chuid freagrachtaí eitiúla eile i gcomhréir leis na caighdeáin.

Creidim go bhfuil an fhianaise iniúchta atá aimsithe agam leordhóthanach agus cuí chun bunús a chur le mo thuairim.

Tuarascáil ar an ráiteas ar rialú inmheánach airgeadais agus ar nithe eile

Chuir an tOifigeach Cuntasaíochta ráiteas ar rialú inmheánach airgeadais i láthair i dteannta an chuntais leithreasa. Déantar cur síos ar mp fhreagrachtaí as tuairisciú ar an bhfaisnéis atá sa ráiteas, agus ar nithe eile a dtuairiscím orthu de réir eisceachta, san aguisín a ghabhann leis an tuarascáil seo.

Níl aon rud le tuairisciú agam ina leith sin.

Seamus Mac Cárthaigh

An tArd-Reachtair Cuntas agus Ciste

7 Meitheamh 2024

Aguisín leis an tuarascáil

Freagrachtaí an Oifigigh Cuntasaíochta

Tá an tOifigeach Cuntasaíochta freagrach as na nithe seo a leanas:

- an cuntas leithreasa a ullmhú de réir alt 22 den Exchequer and Audit Departments Act 1866
- a chinntiú go gcomhlíonann an cuntas leithreasa ceanglais na Nósanna Imeachta Airgeadais Phoiblí ón Roinn Caiteachais Phoiblí, Sheachadadh an Phlean Forbartha Náisiúnta agus Athchóirithe, agus ordacháin eile ón Aire Caiteachais Phoiblí, Sheachadadh an Phlean Forbartha Náisiúnta agus Athchóirithe
- rialtacht na n-idirbheart a chinntiú, agus
- cur chun feidhme a dhéanamh ar cibé rialú inmheánach a chinneann an tOifigeach Cuntasaíochta a bheith riachtanach chun cuntas leithreasa a ullmhú atá saor ó mhiráiteas ábhartha, bíodh calaois nó earráid mar chúis leis.

Freagrachtaí an Ard-Reachtaire Cuntas agus Ciste

Ceanglaítear orm faoi alt 3 den Acht um Ard-Reachtaire Cuntas agus Ciste (Leasú), 1993, an cuntas leithreasa a iniúchadh agus tuairisciú air do Thithe an Oireachtais, á lua cé acu is amhlaidh nó nach amhlaidh, i mo thuairimse, a chuirtear na fáltais agus an caiteachas a bhaineann leis an vóta i láthair go cuí sa chuntas.

Is é mo chuspóir agus an t-iniúchadh á dhéanamh agam ná dearbhú réasúnach a fháil maidir le cé acu atá nó nach bhfuil an cuntas leithreasa saor ó mhiráiteas ábhartha ar calaois nó earráid is cúis leis. Is leibhéal ard dearbhaithe é dearbhú réasúnach, ach ní ráthaíocht é go mbraithfidh iniúchadh a dhéantar de réir na ISAnna (Caighdeáin Idirnáisiúnta um Iniúcháireacht) míráiteas ábhartha i gcónaí nuair a bheidh sé ann. Féadfaidh míráiteas eascairt as calaois nó earráid agus meastar go bhfuil siad ábhartha dá bhféadfaí a bheith ag súil le réasún go mbeadh tionchar acu ar chinntí eacnamaíocha úsáideoirí a dhéantar ar bhonn an chuntais leithreasa, ina n-aonar nó ina n-iomláine.

Mar chuid d'iniúchadh de réir na ISAnna, tugaim breithiúnas gairmiúil agus coinnim sceipteachas gairmiúil i rith an iniúchta. Agus mé ag déanamh amhlaidh,

- Sainaitnínm agus measúnaím rioscaí an mhiráitis ábhartha a bhaineann leis an gcuntas leithreasa, cibé acu de bharr calaoise nó earráide iad; dearaim agus feidhmím nósanna imeachta iniúcháireachta a fhreagraíonn do na rioscaí sin; agus faighim fianaise iniúcháireachta is leor agus is cuí chun bunús a sholáthar i gcomhair mo thuairime. Is mó an riosca nach mbraithfí míráiteas ábhartha a rinneadh de bharr calaoise ná míráiteas ábhartha a rinneadh de bharr earráide, mar d'fhéadfadh claonpháirteachas, brionnú, easnaimh d'aon ghnó, mífhaisnéis nó sárú ar rialú inmheánach a bheith i gceist le calaois.

- Faighim tuiscint ar an rialú inmheánach atá ábhartha don iniúchadh chun nósanna imeachta iniúcháireachta a dhearadh a bheidh iomchuí sna cúinsí i gceist, ach ní chun tuairim a thabhairt ar éifeachtacht na rialuithe inmheánacha.
- Measúnaím cé acu a comhlíonadh nó nár comhlíonadh *Nósanna Imeachta Airgeadais Phoiblí* de chuid fhorálacha cuntasaíochta na Roinne Caiteachais Phoiblí, Sheachadadh an Phlean Forbartha Náisiúnta agus Athchóirithe.

Déanaim cumarsáid leis an Oifigeach Cuntasaíochta maidir le scóip agus uainiú beartaithe an iniúchta agus torthaí suntasacha iniúchta, i measc nithe eile, lena n-áirítear aon laigí suntasacha sa rialú inmheánach a shainaitnínm le linn m'iniúchta.

Tuairiscím de réir eisceachta más amhlaidh, i mo thuairimse,

- nár bhfuair mé an fhaisnéis agus na mínithe uile a theastaigh uaim i gcomhair m'iniúchta, nó
- nár leor na taifid chuntasaíochta le go bhféadfaí an cuntas leithreasa a iniúchadh go héasca agus go cuí, nó
- nach bhfuil an cuntas leithreasa ag teacht leis na taifid chuntasaíochta.

Tuairisciú ar an ráiteas ar rialú inmheánach airgeadais

Ní chumhdaíonn mo thuairim ar an gcuntas leithreasa an ráiteas ón Oifigeach Cuntasaíochta faoi rialú inmheánach airgeadais, agus ní chuirim aon chinneadh dearbhaithe in iúl ina leith.

I dtaca le m'iniúchadh ar an gcuntas leithreasa, ceanglaítear orm faoi na ISAnna an ráiteas faoi rialú inmheánach airgeadais a léamh agus, le linn déanamh amhlaidh, a bhreithniú cé acu is amhlaidh nó nach amhlaidh atá an fhaisnéis atá tugtha laistigh de neamh-chomhsheasmhach go hábhartha leis an gcuntas leithreasa nó le heolas a gnóthaíodh le linn an iniúchta nó atá an chuma uirthi ar shlí eile go ndearnadh míráiteas ábhartha ina leith. Más rud é, bunaithe ar an obair a rinne mé, go dtagaim ar an gconclúid go bhfuil míráiteas ábhartha ann, ceanglaítear orm an fhír sin a thuairisciú.

Tuairisciú ar ábhair eile

Féachaim le linn an iniúchta le fianaise a fháil ar rialtacht na n-idirbheart airgeadas. Ceanglaítear orm faoi alt 3 d'Acht an Ard-Reachtaire Cuntas agus Ciste (Leasú), 1993, tuairisciú i gcás go sainaitnínm aon chás ábhartha nár caitheadh airgead poiblí do na críocha a bhí beartaithe ann nó nach ndearnadh na hidirbhearta de réir na n-údarás a bhí á rialú ann.

Ceanglaítear orm freisin faoi Acht 1993 tuarascáil a ullmhú gach bliain ar cibé ábhair a eascraíonn as m'iniúchtaí ar na cuntais leithreasa is cuí liom. I gcásanna den sórt sin, tagraítear sna tuarascálacha iniúcháireachta ar na cuntais leithreasa lena mbaineann don chaibidil ábhartha/do na caibidlí ábhartha sa *Tuarascáil ar Chuntais na Seirbhísí Poiblí* uaim, ar tuarascáil bhliantúil í.

Vóta 1 Teaghlachas an Uachtaráin

Cuntas Leithreasa 2023			
		2023	2022
	Soláthar sna meastacháin	Toradh	Toradh
	€000	€000	€000
Caiteachas ar an gclár			
A	Teaghlachas an Uachtaráin	3,410	2,536
B	Deolchaire daoine in aois an chéid	1,764	1,293
Ollchaiteachas		5,174	3,829
Lúide			
C	Leithreasaí-i-gcabhair	83	110
Glanchaiteachas		5,091	3,719

Farasbarr

Tá farasbarr na suime a soláthraíodh le hais na glansuime a feidhmíodh faoi dhliteanas i leith a ghéillte don Státchiste.

	2023	2022
	€	€
Farasbarr le géilleadh	892,344	1,030,629

John Callinan
Oifigeach Cuntasaíochta
Teaghlachas an Uachtaráin

8 Márta 2024

Nótaí leis an gCuntas Leithreasa

Nóta 1 Ráiteas faoi Chostais Oibriúcháin 2023

	2023	2022
	€000	€000
Caiteachas ar an clár	1,441	1,246
Pá	2,141	1,909
Neamhphá	741	674
Ollchaiteachas	4,323	3,829
<i>Lúide</i>		
Leithreasaí-i-gcabhair	124	110
Glanchaiteachas	4,199	3,719
Athruithe ar shócmhainní caipitil		
<i>Maoín, innealra agus trealamh</i>		
<i>(nóta 2.1)</i>		
Dímheas	8	8
Athruithe ar ghlansócmhainní reatha		
(Méadú) ar stoic	(49)	
laghdú ar réamhíocaíochtaí	36	
(laghdú) ar chostais fhabhráithe	(45)	
	(58)	27
Caiteachas díreach	4,149	3,754
Caiteachas a iompraíodh in áit eile		
Glanchaiteachas ar sheirbhísí gaolmhara (nóta 1.1)	5,303	4,858
Glanchostas clár	9,452	8,612

1.1 Glanchaiteachas ar sheirbhísí gaolmhara

Tá suim an ghlanchaiteachais ar sheirbhísí gaolmhara comhdhéanta de na suimeanna measta seo leanas maidir le Vóta 1 a iompraíodh in áit eile.

		2023	2022
		€000	€000
Vóta 7	Oifig an Aire Airgeadais	—	12
Vóta 12	Aoisliúntas agus Liúntais Scoir	698	762
Vóta 13	Oifig na nOibreacha Poiblí	2,368	2,163
Vóta 18	An Oifig Náisiúnta um Sheirbhísí Comhroinnte	312	72
Vóta 20	An Garda Síochána	233	229
Vóta 28	Gnóthaí Eachtracha	174	110
Vóta 36	Cosaint	496	486
Vóta 43	Oifig Phríomhoifigeach Faisnéise an Rialtais	60	64
An Lárchiste : Luachanna saothair agus liúntais an Uachtaráin agus pinsin Iar Uachtaráin		962	960
		5,303	4,858

Nóta 2 Ráiteas faoin Staid Airgeadais ag an 31 Nollaig 2023

	Nóta	2023 €000	2022 €000
Socmhainní seasta			
Maoín, innealra agus trealamh	2.1	9	17
Iomlán na sócmhainní seasta		9	17
Sócmhainní reatha			
Banc agus airgead tirim		106	67
Stoic	2.2	87	38
Réamhíocaíochtaí		27	63
Ioncam fabhráithe		4	4
Iarmhéideanna dochair eile		2	1
Iomlán na sócmhainní reatha		226	173
Lúide dliteanais reatha			
Costais fhabhráithe	2.3	39	84
Iarmhéideanna chreidmheasa eile	2.4	69	61
Glanmhaoiniú ón Státhiste	2.5	39	7
Iomlán na ndliteanas reatha		147	152
Glandliteanais reatha		79	21
Glansócmhainní		88	38
Arna léiriú ag:			
Cuntas maoinithe stáit	2.6	88	38

2.1 Maoín, innealra agus trealamh

	Trealamh TF €000	Iomlán €000
Ollsócmhainní		
Ar an 1 Eanáir 2023	43	43
Ar an 31 Nollaig 2023	43	43
Dímheas carntha		
Ar an 1 Eanáir 2023	26	26
Dímheas don bhliain	8	8
Ar an 31 Nollaig 2023	34	34
Glansócmhainní		
Ar an 31 Nollaig 2023	9	9
Ar an 31 Nollaig 2022	17	17

2.2 Stoic

ar an 31 Nollaig	2023	2022
	€000	€000
Boinn daoine in aois an chéid	87	38
	87	38

2.3 Costais fhabhraithe

ar an 31 Nollaig	2023	2022
	€000	€000
Caiteachais riaracháin	39	46
Fabhruithe eile	—	38
	39	84

2.4 Iarmhéideanna creidmheasa eile

ar an 31 Nollaig	2023	2022
	€000	€000
Suimeanna atá dlite don Stát		
Cáin ioncaim	32	29
Árachas sóisialach pá-choibhneasa	17	14
Muirear sóisialta uilíoch	7	6
Ranníocaíocht pinsin	5	4
Cáin shiarchoinneálach	1	—
	62	53
Asbhaintí párolla á gcoinneáil ar fionraí	7	8
	69	61

2.5 Glanmhaoiniú ón Státhiste

ar an 31 Nollaig	2023	2022
	€000	€000
Farasbarr le géilleadh	892	1,031
Deontas ón Státhiste nár tarraingíodh	(853)	(1,024)
Glanmhaoiniú ón Státhiste	39	7

Arna léiriú ag:

Féichiúnaithe

Banc agus airgead tirim	106	67
larmhéideanna: dochair: fionraí	2	1
	108	68

Creidiúnaithe

Dlite don Stát	(62)	(53)
larmhéideanna creidmheasa: fionraí	(7)	(8)
	(69)	(61)
	39	7

2.6 Cuntas maoinithe Stáit

	Nóta	2023	2022
		€000	€000
larmhéid ar an 1 Eanáir		38	73
Eisiocaíochtaí ón Vóta			
Soláthar sna meastacháin	Cuntas	5,091	
Farasbarr le géilleadh	Cuntas	(892)	
Glanmhéid an Vóta		4,199	3,719
Caiteachas (airgead tirim) a iompraíodh in áit eile	1.1	5,303	4,858
Glancaiteachas ar an gclár	1	(9,452)	(8,612)
larmhéid ar an 31 Nollaig		88	38

2.7 Ceangaltais

ar an 31 Nollaig	2023	2022
	€000	€000
Soláthar earraí agus seirbhísí	271	101

Nóta 3 Caiteachas Vóta

Anailís ar chaiteachas riaracháin

Tá an caiteachas riaracháin atá leagtha amach thíos leithroinnte ar na cláir éagsúla, chun costais iomlán na gclár a chur i láthair.

		2023		2022
		Soláthar sna meastacháin	Toradh	Toradh
		€000	€000	€000
i	Tuarastail, pá agus liúntais	2,314	2,141	1,909
ii	Taisteal agus cothú	310	103	104
iii	Oiliúint agus forbairt	40	16	7
iv	Gairmiúil, comhairleoireacht agus seirbhísí eile	225	173	185
v	Speansais oibriúcháin	228	317	270
vi	Speansais acmhainní agus trealaimh	260	42	32
vii	Speansais áitribh agus lóistín	9	4	2
viii	Speansais chumarsáide	104	86	74
		3,490	2,882	2,583

Difríochtaí suntasacha

Sna míreanna seo a leanas, tugtar na cúiseanna leis na difríochtaí suntasacha sa chaiteachas ón tsuim a soláthraíodh (+/-25% agus +/- €100,000).

ii Taisteal agus cothú

Soláthar meastacháin €310,000; Toradh €103,000

Bhí easnamh caiteachais de €207,000 ann toisc go raibh taisteal intíre agus idirnáisiúnta níos lú ná mar a measadh. Tá caiteachas sa réimse seo ag méadú go mall ar ais go dtí leibhéal réamh-Covid-19.

vi Speansais acmhainní agus trealaimh

Soláthar meastacháin €260,000; Toradh €42,000

Bhí easnamh caiteachais €218,000 ann. Rinne an meastachán soláthar d'infheistíocht i gcóras nua a thiocfadh in ionad chóras reatha Lotus Notes.Cuireadh moill ar dhul chun cinn an tionscadail mar thoradh ar thosaíochtaí gnó iomaíocha. Tá an tionscadal le tabhairt ar aghaidh in 2024.

Clár A Teaghlachas an Uachtaráin

		2023		2022
		Soláthar sna meastacháin	Toradh	Toradh
		€000	€000	€000
A.1	Riarachán – pá	2,249	2,078	1,864
A.2	Riarachán – neamhphá	1,161	738	672
		3,410	2,816	2,536

Clár B Deolchaire daoine in aois an chéid

		2023		2022
		Soláthar sna meastacháin	Toradh	Toradh
		€000	€000	€000
B.1	Riarachán – pá	65	63	45
B.2	Riarachán – neamhphá	15	3	2
B.3	Deolchaire daoine in aois an chéid	1,684	1,441	1,246
		1,764	1,507	1,293

Difríochtaí suntasacha

Leagtar amach síos na cúiseanna le difríochtaí suntasacha i gcaiteachas na gclár nach mbaineann le riarachán (+/- 5% agus €100,000).

B.3 Deolchaire daoine in aois an chéid

Soláthar meastacháin €1.684 million; Toradh €1.441 million

Ar an iomlán, bhí caiteachas Clár B €243,000 níos ísle ná mar a soláthraíodh, toisc go raibh níos lú daoine in aois an chéid ná mar a soláthraíodh. Íocadh 514 deolchaire céad bliain in 2023 agus rinneadh soláthar do thart ar 609. Tá caiteachas sa réimse seo bunaithe ar éileamh.

Nóta 4 Fáltais**4.1 Leithreasaí-i-gcabhair**

		2023		2022
		Measta	Réadaithe	Réadaithe
		€000	€000	€000
1	Fáltais ó ranníocaíochtaí aoisliúntais breise ar luach saothair earnála poiblí	78	89	79
2	Ilgheitheach	5	35	31
Iomlán		83	124	110

Nóta 5 Líon Foirne agus Luach Saothair

5.1 Líon fostaithe

Coibhéisí lánaimseartha	2023	2022
Líon foirne ag deireadh na bliana	<u>29</u>	<u>24</u>

5.2 Pá

	2023	2022
	€000	€000
Pá	1,910	1,721
Liúntais le haghaidh ard-dualgas, dualgas speisialta nó dualgas breise	60	52
Ragobair	25	20
ÁSPC an fhostóra	146	116
Pá iomlán	<u>2,141</u>	<u>1,909</u>

5.3 Liúntais agus íocaíochtaí ragoibre

	An líon faighteoirí	Faighteoirí de €10,000 nó níos mó	An íocaíocht aonair is airde	
			2023	2022
			€	€
Liúntais le haghaidh ard-dualgas, dualgas speisialta nó dualgas breise	6	3	22,728	21,136
Ragobair	13	—	7,246	5,835

Nóta Ní bhfuair aon ball foirne saothair breise i níos mó ná catagóir amháin

5.4 Foireann Theaghlachas an Uachtaráin de réir bandaí pá

Is iad seo a leanas líon na bhfostaithe i dTeaghlachas an Uachtaráin a raibh sochair iomlána fostaithe (lena n-áirítear bunphá, liúntais, ragobair; ach ÁSPC fostóra, costais phinsin an fhostóra gan áireamh) acu don bhliain airgeadais idir €20,000 agus €59,999 agus laistigh de gach banda €10,000 ó €60,000 aníos.

Banda pá (€)		Líon na bhfostaithe	
Ó	Go	2023	2022
20,000	59,999	18	16
60,000	69,999	3	3
70,000	79,999	1	3
80,000	89,999	1	—
90,000	99,999	1	2
100,000	109,999	1	—
110,000	119,999	2	1
120,000	129,999	—	—
130,000	139,999	1	1
200,000	209,999	—	1
210,000	219,999	1	—

5.5 Tuarastal an Oifigigh Cuntasaíochta

Is é an tOifigeach Cuntasaíochta do Vóta 1 Teaghlachas an Uachtaráin an tOifigeach Cuntasaíochta do Vóta 2 Roinn an Taoisigh freisin. Nochtar a leibhéal tuarastal sa Chuntas Leithreasa do Vóta 2.